

*A Monthly Christian Magazine*


AN ORGAN OF THE ZOU PRESBYTERIAN CHURCH SYNOD

# Khristian Tangkou

ဗြဟ္မကမ္ဘာတစ်ဝှမ်း တစ်ဝှမ်းပျံ့နှံ့

Vol. 58 || No. 3&4

March & April, 2022



**Editor: Rev. Khamchinkhai**

Synod Kumpuon:

**KEMTU GIN-UM**

[1 Korin 4:2]



## HUNDAMNA THU

(Good Friday message).

Guest Editor

*Rev. Zamlianpau*

### 1). **Thumapui hundamna kipatdan:**

Mihingte khu Pasion in tup leh ngim kichientah, ama pahtawi leh bie ding, ama toh kipawl/kithuo ding tupna a Ama bahpi, Ama lim leh meel sun a hingbawl ahi. Hinanleh khelna in mihingte leh Pasion hingkhen in, mihing koima Pasion thupina tangzou um nawnsih a khelna in suo leh sal in hing mansuo hi (Rom 3:23). Koipou mihing mani kihundamthei umlou, khelman shina maban a hi suo hi. Hinanleh, itna leh hepina ziehin Pasion in hundamna lampi hing bawlsah hi (Rom 9:30). Tuaziehin, hundamna thu khu koima leh sildang bangma a hing kipan hilou in, Pasion lungtang tawnga hing kipan ahi (Jer. 3:16, Rom 5:1-11cf; 8:31-39; Eph. 2:4-10).

### 2). **Hundamna umzie:**

Hundamna toh kisai pomdan leh gendan chi tuomtuom a um hi. Roman Catholic lam deute pomdan in hundamna khu Pasion hina kitanpi or kikoppi Pasion suohna (deification) ahi. Evangelical pawlpite'n ahileh hundamna khu Pasion toh kilemkiana leh amang mukiana or puosa tungding thana (reconciliation and restoration) lam a kohsah uhi. Tam in agennop ahileh, khelna in Pasion leh mihingte hibang khensa, Jesu Khrist shina leh thawkiana tungtawn a hing

kilem kiasah a, tuazieh a Pasion in mikhiel leh shinate hing tha sah in hingtung ding tha china ahi. Pasion in gingtute khelna hamsietna leh khelna silbawltheina apan hing suotatsa mai hilou a hinna tha hing guon belap hi. Laisiengthou a kammal 'hundamna' zahdan tuomtuom a um hi. Hinanleh a tamzawte Hagau lam suotatna toh kisai a zah ahi. Tuaziehin, hundamna khu khelna gawtna khelna silbawltheina leh maban a khelna umte apat a hing pelsa hi (Rom 5:1-8; I Kor. 1:18; Rom 13:11; 8:30; I Pet. 1:5). Hun thu toh kisai in hundamna khu hun peisa a khelnate apan siemtansahna (Justification from past sin) khelna silbawltheina apan siengthou sahna (present sanctification from sin) leh maban (tunua) chieng a khelna umlouna a thupisahna (Future deliverance from presence of sins and glorification) ahi uhi.

### **3). Hundamna lampi:**

Hundamna kipatna, hing sawmdohtu, sawmkhetu leh hundamna tan theina ding a lampi hing bawlkhetu Pasion ahi. Pasion in hundamna hing ngaituo dohlou hileh mihing koima mani kihundamthei ding a um sih hi. Tuaziehin Pasion in hundamna hing bawlsah toh kisai ngaidan tuomtuom aum a, tuate anuoi ah itahlang ding hi.

- 1) Teelna leh sehkholsa thu (Election and predestination). Pasion in hundamna tang ding mi teeltuom/sehkholsa mi tuabang teeltuom mite mai in hundamna tang thei chi pomdan ahi. Tam bang ngaidan Augustine hunlai peh a na um zou kum zabi 16 lai a Johan Calvin in hingzilsah tuni dong a Calvin nuazuiten thu zilsah poimaw khat ahi. Bangkim a bangkim Pasion nnasep leh vaihawmna koima a soisel theilou, Laisiengthou apan Pasion hinna leh nnasepte pansan a tambang pomdan hingpieng ahi.

Hinanleh Pasion thusiam tamtate tam bang teeltuomna/sehkholsa thuzilsana a pom sih uhi. Azieh ahileh:

- i). Pasion khu bangkim tung a thunei leh vaihawm sangpen ahi. Hinanleh, mihing deiteelna (human will) kal in vai ahawm sih chi mihing puona aha kichien hi (Adam leh Evi). ii). Laisiengthou in hundamna khu mimal deiteelna tungtawn a ginna a san/pom ding ahidan kichientahin hing zilsah hi. (Mt. 12:37; Joh. 3:16). iii). Pasion in koima khentuom neilou, mi tengteng hundam hiding adei a, tua dungzui in michin in amau ginna/nasep dungzui a

vaihawm ding ahidan Laisiengthou in kichientah in hing zilsah hi (Rom 2:5-11; 2 Pet. 3:9; 2 Kor. 5:10; I Tim. 2:4). Tuaziehin, sil dang a Pasion in mi teeltuom leh sekholsa neitham nanleh, Jesu Khrist a hundamna a mi tengteng adia pieh ahi a, agingta a pomte mai ngah/tan ding ahi.

#### **4). Jesu Khrist a teel leh sekhol (Elected and predestined in and through Jesus).**

Laisiengthou in hundamna khu leitung pienma a Pasion in alemgelsa ahi dan hing zilsah hi (Eph. 1:3,5). Tambang hundamna lemgeelna ah, Pasion in hundamna tang ding mimal sekhol/teeltuom hilou in, hundampa ding Jesu Khrist sekhol in, ama tungtawn a hundamna sekhiet leh ngah/tang ding ahidan genna ahi. Tuaziehin, Pasion thusiem Karl Barth in Jesu khu “teeltu Pasion” (Elector God) leh “teeltuom mihing” (Elected man) hikhawm achi theisiem hasa sim nan leh Laisiengthou toh kituo mama ahi. Pasion in hundamna Jesu Khrist a koi ama gingta zousie in Jesu Khrist a teel leh sekholsa china ahi. Jesu gingtaloute tangtawn a mawpai a um ding ahidan Laisiengthou in kichientah in agen hi (Joh. 3:16-18).

#### **5). Hundamna leh hundampa:**

Hundamna khu Pasion hing geel khiet ahia, Jesu Khrist in a tah a hing semkhie ahidan Laisiengthou in kichientah in hing zilsah hi (Eh. 3:1-5; Heb. 10:1-18). Tuaziehin hundamna khu Pasion a kipan, bangdang zieh hilou in a itna leh hepina a kinga ahiziehin koiman nnasep leh silbawl a lohkhiet thei ahi sih hi. Hundamna khu Pasion silthawnpia ahi a, mihing lam ah khiel kisiana toh Jesu Khrist ginna asan ding ahi (Rom 3:23-26; 10:3-10, 13, Ephe. 2:8,9). Tuaziehin Jesu Khrist khu hundampa ahi. Hundamna khu Pasion a mithum nnasep, hinanleh Pa khu a lemgeeltu (Planner) Tapa khu a semkhetu (executor) Tualeh Hagau Sienghtou a hing tangsahtu or pekhetu (applier) dan a gen deu ahi.

#### **6). Anuoi ah hundampa Jesu Khirst hina leh nnasepte ahi.**

6.i). Jesu Khrist khu Pasion ahi: “Jesu” min khietna khu “Hundampa” china ahi a, “Khrist” khu “Thaunu” ahina ahi. Jesu khu Hundampa ahi dinga Pasion thaunu ahi bana Pasion tahtah ahi. (Lk. 1:35; Mk. 2:5; Joh 1:1-4; 5:25; 14:14; Nas.10:42;

Kor. 1:16; Heb. 13:8; Mt. 24:21-28). Tuaziehin Jesu khu Pasion neuzaw, Pasion lienzaw hilou in, Pasion tahtah, Pasion hina leh neiteng nei, Pasion a mithum umte lah a anina ahi. Tatna nna sem ding a mihing hing pienna a, Ama leh Ama hing ki-awngtang sah ahizieh in, Pa sanga niemzaw/Neuzaw isa kha thei hi. (Phi.2:5-11). Hinanleh Jesu khu Pasion tahtah ahi a, Hundampa bukim, a shina leh thawkiana zie a mikhiel hing hundam ahi.

6.ii). Jesu Khrist mihing mama ahi: Jesu Khrist khu za lah a za Pasion ahi bang in za lah a za mihing ahi. Tam thu khu mihing ngaituona a theisiem hasapi ahi. Mikhat, hihna chini nei, Pasion leh mihing tatah ahi. Jesu Khrist hina chi nite mihing kamteng a genchiet zaw hisih nan leh Laisiengthou hing zilsah dan ahi. Mikhielte hundam ding a tasa pumpi mama khelna thoina sillat a laan dinga mihing a hingpieng ahi (Heb. 2:14-18). Bawngtal leh Kelte sisan in mihingte khelna lamang ding a Jesu Khrist mihing a hing pieng ahidan Laisiengthou in kichientah in hing zilsah hi (I Kor. 15:20-2; Heb. 10:4). Jesu Khrist khu mihing tahtah ahina a pienna khankhiet dan hinkhuo zatdan leh nnasepte leh a shina ah akilang hi (Mt. 1:18ff; Lk.2:44-45; 22:44; Gal. 4:4; Joh. 4:6).

6.iii). Jesu tatna nnasepte: Jesu Khrist tatna nasepte khu ahuop lien mama hi. Mihing a hing pienna, leitunga a nasep tuomtuomte, Khross a ashina, thawkiana, Van kana leh hing peikiana ding ‘Second Coming’ ahuom kha suoh hi. Tuabang in, Khross tunga mikhielte tang a hing shina leh shina apan a thawkiana khu Jesu Khrist tatna nnasep bukimna, mikhiel tunga Pasion lungkimna ahi. (Heb. 10:10-18; I Pet. 1:19,20). Tuaziehin, hundamna kitanna, hundamna suongphum khu bang dang hilou in Jesu Khrist tatna nna asepe ahi. Jesu Khrist tatna nnasep a kinga lou zousie hundamna buching hilou, Pasion santat hilou ahi chi chiente ding ahi (I Kor. 3:11).

.....

# Thu tuomtuom leh Thumpi dingte



- Apeisa March 11-13, 2022 sungin Presbyterian Church of India, Tuining ah ZPWF ten Revival Khawmpi nei ua, lawching tahin zou uhi. Tuanah “Hing suhal tha kia in” (Late 85:6) thupi a nei in Nu Vahkhohling, Nu Cicy Vungneiching, Evant. Pauchin, Rev. Khamchinkhai, Sr. Executive Secretary (ZPCS) leh Nu Dimkhochin ten Pasion thutah genna nei ua, Nu Mankhanngai, ZPWF Chairperson leh PWF Secretary (Sr) in Seminar lahna nei in Rev. G. Mangmuanthang in Mangpa Annsieng hawmna anei hi.
- 12veina Manipur Legislative Assembly (MLA) - Election 2022 um ah ei Zou sung apat in 60/Singngat Assembly Consituency a i palai ding un Pu Chinlunthang telching in a um hi.
- Manggam nna I seppi uh Rev. Stephen Chinzathang atahsa kum sawm guh (60)- a chin toh kituoh in apeisa dated 11<sup>th</sup> March 2022 nin Presbyterian Church of India, Zomi Colony ah hahkhiehna kinei hi. Tuabanah, Shie. M. Kamsuankhai zong dated March 15, 2022 ni in MGP Golden Jubilee Hall ah pension hahkhiehna kinei hi.
- Rev. Dr. Hangpi Manlun, Executive Secretary, Upa Khaiminlian, Upa Vungkhanpau, Evant. Ajit Malakar leh David Kapkhanthang-ten apeisa dated 16-19th March 2022 sungin Tripura Mission field vena vanei uhi. Evant. Ginmuanthang sepna mun Uris Cherraa ah gingtha mi 12 baptistma tangsah ua, Silchar khopi sung ah zong Evant. Ajit Malakar leh a lawmte nnasepna tungtawnin gingtha ni Baptisma tang sah uhi.
- Ms. Esther Mannuankim d/o Rev. Khupkhansuan in AIIMS, Kalyani, Kalkatta ah Nursing Officer sepna mu in a halaw (Pay)- masapen Rs. 47,000/- sawm-a-khat a cut nua in Tunnu Limbel a i naupange uh kitkolna ding in dated 29th March 2022 nin pie hi. Mangpa Pasion in guolzawlin mapui zingta hen aw.
- Tv. Alfred Khupmuanlal s/o Shie. Khamzathang of Central Church in State Bank of India (SBI)- ah Probationary Officer (PO)- sepna mu hi. Tam bang a ahing lawchinna tung ah I kipahpi thu uh I Phuong ua, a sep tou zelna ding ah thumpi va ui.

# KINEPNA ABEI CHIENG

(I Peter 5:10).

*Upa Khupsuankham*  
Contributing Editor

## Thumapui :

Mihingten kinepna tuomtuom akinei chiet a, ikinepna teng abei chieng in ilung akezel a, upai a umlou nuochieng in ikingaisiet zel bangkim ah Pasion kung a ngen in kinepna tha ing neitheina ding in ipa Pasion kung ah kipumpieh a hinkhuo man chiet tum va-ui. Awle, tangthu/tangmi khat tungtawn in kikum vaui.

Judith Hali khu apasal Jason Ong toh akitennuo in apasal damlou in zatou kung ah ava ki-etsah leh Brain Cancer ahia, Operation abawl ua, dahkal 20-sung vingveng Operation akibawl zou in ICU ah a um a, Doctorten azi kung ah na pasal khu ha 6- khel dam ding a gintat ahisih chin azi ahil ua, azi in zong apasal kung ah agen a, adawna khu nahhu kanei laisie Pasion nna kasep ding achi hi.

A cancer in asalaz zousie ajel suohta a, ha 6- sung a Pasion nna kanep ding chin adawng hi. A cancer khu abawn a lakhiet thei ahisih a, 30% pen- aki nuosie ding in Zatouten agen uhi. Tualeh abil in zong khuo zatheilou in a um a, anivei operation kibawl in amit in khuo amuthei ta sih hi. A cancer pungjel ahiman in abil, anahkuo ah sisan luong in a tangkhap ah asi abang gige hi. Ka nahliei laisie in Meithai-Meigongte kepna inn khat abawl a, nautangte naupang 30 lai khu 1500 tan naupang, Meithei,

mibanglou, mizawng tampi um hi.

Tualeh Pasion nasem a apawt chieng in anatna in atut chieng a aneh ding pain killer akipuoh a, tang 8-tang 10 aneh lezong phatuom lou in lampi gei aning khat a khawl zel in akhut in anatna atham a, akhut khatlang Vanlam ah atung hi. Aman dammaw nanlezong Pasion awimawna agen ngaisih a, kei a dia hin khu Khrist ahia, shi khu punna ahi achi hi.

Azi Judith Hali in apasal kung ah hun sawtpi damlou maithei na hia, na Birthday naman tawpna zong hi khamaithei ahi chieng in heisung ah na mang ut ei ? chia a dohleh, Taga kepna camp abawl uh Indonesia a Pasion nna anepna uah man a ut thu agen a, 2012 December in amang uhi. Birthday mangjou inn lam a akilekia un anatna huosie in a gim deude.uta a, azi kung ah shina khat kanei leh Pasion awimawna leh gensietna kamteng malmal naneilou ding chin avaihah a, inasep maban nang

sutzom ding chin avaihah hi.

Pasian in azi Judith thumna azah in alungtang akhoi a, Pasian in akung ah nazi thumna in ka lungtang ala a, na hinna lalou ding kahi chin agen hi. Tuachin aman Mangpa bangkim ah kimansa in ka umta a, nang ka hinna la ding in na ki sa joutai achi hi. Tuachin azi kung ah ka damna ding in hing thumpi nonsinlen hing hakhie maita in achi hi. Tuachin azi in khatveima zong ka pasal muna ah ka hitui ka luongsah ngaisih a, hinanleh amulou ah akap in ka kapta hi. Tu in vang ahileh amasang ah tangka in kakapta hi.

Azi in ka pasal damna ding in nget kichin kangen a, hinanleh ka ngetna bangmalou asuohta hi, achi hi. Zantai in azi in apasal mel agalmu a, atahsa kithing in Jesu kamu, Jesu kamu chin akikou a, kakhut a tham ding chia kakhut a kazap leh kazam kha mawngmawng sih a, tuami zaan in vang Pasian masang ah neu kakisa hi. Zingkal khat dah 8 in Nurse nun azi kung ah na pasal umlou heisung a um e? chin “Hospital Emergency Pattern” meh in damlou khat mang chin kou kichin akikouta hi. Akikou husa uh azah in apasal ksilna pindan (Bathroom) a ksil a um angpawt a bang e nabuoipi uh kai bathroom a ksil kahi achia, aman tuzan Jesu angpei a, kanah ah ama hu ang thunlut a, ka damta a, Glucose kikhaite ka botsan a, ksil kahi achihi.

Nurse nu in Judith pasal kung ah hing pei in Doctor pan ang et ding ahi achia, alum a, Doctorpan tambang natna 200 vel kana zenta a, ama bang a kintah a dam kamu sih achi hi. Tuachin a jingni a innkuon un Hospital apat apawtta uhi. Azi in kihepina ding hun atomseng taluo a bang dia kihauhau ding ihi uoi ? achia, aphone ala a “Kang lungsiet a kang itt hi” chia phone ah akhumta a, ashinuo chieng a aha jel ding a akhum ahi.

Judith Hali pasal Jason Ong akinepna zousie abeinuo in damna Pasian in nua piehin adamsah hi. Neh. 8:10-na i-et leh “Mangpa lungdamna khu na hatna uh ahi”, chi imu uhi. Natna zalkhun a um izi-ita, ipasal a um zong Pasian kung a kipah thu igen ding uhi. Pastor khat in athugenna ah, Khristian leh Khristianlou ikibahna khu silhoi-silpha ah ikibang ua, Khristian loute ikikhietna uh khu kipahni a zong kipah ding, inat-isat a zong kipah ding ihi uoi ? ichi leh damna pethei khu Mangpa Pasian ahi ichi theina uh ahi. Nupa khat in Pastorpa thugen angai ua, inn atun un akihoulim ua, idam azong kipah ding, inat a zong kipah thugen ding achi khu lamdang kasa hi, achia apasal in bangteng hileh pastorpa thugen zong a dihkhat zong hiva, patep vai achi ua, tuami zan in atanu uh akumzawn damtheilou Hospital a.umzing damna ding in zankhovah in athumta uhi.



Azingni zingkal in Hospital ah anu  
ava zinghaw leh Nu? enu in hingpei  
in hingpei in chin ahan a, na tanu  
natna zong nei nonlou, adamta,  
anupa un kumpumpia ithumna a  
itauna a damlou nakhat maimai  
Pasian kung a inget leh itanu ang  
dam kipahtu igen zing ding uhi  
akichi uhi. Tuazieh in i Mangpa  
Jesu khu akeng apat alutang tan  
i etleh akivuohna maliem, abitna  
malmal umlou nang leh kei ang  
hepina vang a ituh sahsah nalai  
ding uh I ?

Kingaisut in unau. Bang

ding a natna ithuoh ding Pasian  
in aphal adiei ? i chileh kinepna  
tha ang pieh utna zieh zong hi  
maithei, itunga bawl ut aneizieh  
zong ahi thei hi. Koizong Pasian  
kunglam zuonte Pasian in athawn  
kiasah vawtsih hi. Jesu Singlamte  
a akikhailai in migilou akikhaipipa  
khat in “Mangpa Nagam natun  
chieng in hing thei zing in: achileh  
Jesu akipah sengseng hi. Tuazieh in  
**‘Kinepna abei chieng in’** chi thupi  
theikawm in “Pasian angsung ah  
ikisep lutlut ding uhi”. Mangpa’n  
simtute zousie guolzawlta hen,  
Amen !

# *La leh ginglawm*

(Hymns & Musics)

Upa Gouzamang,  
Central Church

Lasah siem vang ka hi laizang sih a, hinanleh Pasian laa music  
toh kithuo phot kana limpi leh tuipi leh kipahti a, ka hagau zong ataisah  
tu zong ahi. Hattuum leh hagau mangthaite chawm na ding in athu a  
genthaw Bible pansan in iphuong ban ah la a sah thaw Labu pansan in i  
bawl uhi. Tuazieh in ei Khristiante a ding in Bible leh Labu khu ikibulphu  
na (Foundation) ahi. Lasiem tahtah ten music toh thuo a Pasian laa ahing  
sah chieng un mite lungsim a zouthei mama a, ahi anap toh kiteh in mi  
kap sah zou thei hi. Athu a genthaw ma bang in la in zong mite hinkhuo  
Pasian lam ah hei lamdang thei hi. Thu (Bible) leh late (Labu) khu Pasian  
in gelsa a ahing pieh hilou in, hagaulam a mi masa te zang in ahing giel  
sah a, tuachin Bible leh Labu in inei thei a, akipah huoi mama hi.

Tanglai Israelten Temple sung a Pasian abiehna uah, Levi nam  
apat in Lasa pawl (choir) ana nei ua music chi tuomtuom zang in Pasian  
ana bie uhi. Tuami in Pasian khu La leh music zang a bie akipah mama

chi ahing musah hi. Tuchieng in eiten zong theitawp suo in lapawlte inei ua i khomkhom in i satheita uhi. Tualeh atung a kigen teng banah la toh kisai ka kup nop pen tah anuoi ah a point a point in hing gen leng kachi ahi.

**1). KRISTIAN LABUPI :** Tonic Solfa toh kithuo English Late ei ham (Zou Kam) a ile te khu ‘Khristian Labupi’ ichi sese uhi. La kai dan dih leh vuohdih tah nei ahia, ut dandan a kai a sah thei himailou hi. Kaidan kichien nei ahi. Tuazieh in dihtah a sah ding ahi. Tuachilou in i Local hattuum chin ah isah dan kibang talou ding hing tuomlen chiet kha ding hi. Tuchieng in Tonic Solfa siem i tam kuom simta ua, tuaten Local chin ah i Labupi a lakai dante dihtah a zui thei dingin pan la chiet lei, a kaidan dih lou themthemte suhdih sawm chiet lei hoi ding hi. Ei Lamka khopi sung a hattuum (ZPCS) ten i suh dih zou leh singtang lam a ten hing zui theipai mai ding uhi.

**2). EI KAM A LE DIH :** La a lunglut mi khat kana hive sam zieh in English apat a tribal ham tuom a kilette kana (compare) tekah zel zel a, 100 lah a 100 dihkim sih nanleh eiham a kilette 100 lah a 30/40 te khu aphuohtu ngaidan leh phuohdan toh kituohlou hi. Ei ham

a lettu ten amau ngaidan in alet tam sim uhi. A lettu masate kademna ahisih. 1960, 70 lai a lettu tesang a alet siemzaw ding tuchieng BA, MA, BD leh M.Th tan itam zaw deuta uhi. Tuazieh a Revised Translation bawl ahunta mama chi ka ngaidan ahi. Adihloupai a kilet laa sahsah hun hinawnsih kachi nuom hi.

**3). Latha bu :** Ei tribal mi, Mizo, Hmar, Paite leh adangten i phuoh late khu Khristian Latha Bu ichi ua, solfa toh kithuo lou hi. Tuazieh in kai dan tuomtuom um maithei hi, poiseng sih. Hinanleh aphuohtu namte kaidan zui ahoi ding hi. Namdangten aphuohtu late ei ham a ile chieng in apilvang huoi khu aphuohtu ngaidan leh lunggel beilou a dihtah a le ding ahi. I theichet loute khu a ham leh pau neitute doh leh a labute uh pansan a le ahoipen ding hi. Miten copy right nei uh ahi.

**THUTAWP:** Atung a kigente i zuidih nah leh koipawl hin mundang gamdang ah va um in va kikhawm nanlei eima kaidan leh midang kaidan hing kibang siengta ding hi. Tuazieh in i biehin kai chiengin ei Lamka zang a um ZPCS hattuum ten Labupi a Tonic Solfa toh kithuo Late pibawl in zang tamlei chi i kingetna ahi.

Labupi leh Lathaten a zah na ding mun uh neisah deu lei hoi ding

hi. Labupi khu Biehinn ah zang lenkhawmna ah zang deu lei hoi  
in Lathabu khu biehnin pulam a ding hi.

.....

## **JESUN TATNA NNA ASEPNA, A SHINA LEH A THAWKIANA THU**

**(Good Friday leh Easter Sunday Messages).**

**Rev. Dr. Hangpi Manlun**

### **1). Thumapui:**

Awle, Pasion mapuina toh tukum ‘Good Friday’ leh ‘Easter Sunday’-te melmuthei leh mangthei ding a i um ziehun Pasion min i phat masa uhi. A tung a i gen bangun ‘Good Friday’ leh ‘Easter Sunday’ te i genkhawm ding uhi. Tatna thu khu hundamna thugin a diing a sil poimaw tah ahi. Bible in tatna umsahthu khu Pasion ahiban ah, Ama lunglam ahi thu zong ang hil hi (Isai 53:10; Luk 2:14; Eph. 1:6-9; Kol. 1:19-20). Tuaguoh hilou in, Pasion midih in mikhiel leh giloute tung ah tangtawn shina leh gawtna a tun diing khu a na puong kheta hi (Gen. 3:3; Rom. 6:23).

Tualeh, tatna in atup pen khu mikhielte Pasion lam a hip a, a lungsim uh kisia diing a suhal a, tuazou chieng a Pasion kunglam a puihuoi ahi. Mi khat in midang khat tung ah sil bawlkhiel khataleh kilepna siem akiphawm hi.

### **2). KHRIST JIEH A TATNA:**

#### **2.1). Khrist shina:**

Khrist shina i gen chieng un a tahsa shina khu i lungsim un i ngaituolou theisih uhi. Jesu khu a silbawl khel jie h a shi ahi sih a, eite tanding a hing pei ahivangan, vaihawmna in dihlou tah a siemmaw a tansah jie ua shi ahizaw hi. Amakhu, Jawlnei Isai 53:12-in, a gen bang in “Migilou leh dan bawtsetu bang a ngaw ahizaw” hi. Tualeh, Romte dan in singlamte (Khross) a kilbet a shite khu migilou tawpkhawhte

shina ahi hi. Jesu khu eite a diing in hamsietin a um a, i khelnate uh Khross ah a pawta hi (Gal. 3:13). Tambang a ashina khu tomkimin, genta lei tatna nna a sepna ahi.

#### **2.2). Migiloute sih-le-tang a tatna**

**ahi:**Pasion in mikhielte tatna diing in khelna neilou misiengthou kulle-phamaw a sa hi. Ahivangan, khum bang dinmun a ding thei diing mihing koima a um sih hi. Migilou dinmun a ding diing in Pasion in a Tapa tangkhat neisun hing pekheta hi. Tuachi in, Khrist khu migiloute sih-le-tang in hing kipie in, i khelna zousie uh a puo a, dan in a phut zousie a zou bukim a, tuachi’n, mihingte diing in tatna nna asemzouta hi. Pasion midih leh lungsietna neipa in mihingte a diing in, tatna Ama Tapa in ang

siem a, ang kileppita hi. Tualeh, Thuhun Lui kithoinate khun Khrist tatna nnasep a ensah hi (Luk. 1:4; 4:20,31,35; 5:10,16; 6: 17:11). I khelnate u'khu Khrist tung ah ngah ahi thu zong ang hil hi (Isaia 53:6). Tualeh, i khelnate a puo a (Johan. 1:28; Heb. 9:28), tuachin, migiloute diing in a hinna apie hi (Mak. 10:45, Gal. 1:4; I Peter 3:18).

**2.2.i). Khiel kithoina diing in a shi hi:** Khrist khu migiloute'n (Rome galkap)-ten apongtha uh himawh lou hi. Pilat in 'agitlouna mawngmawng ka mu sih hi' a chipa khu Khrist ahi. Ahivang in, mihingte khelna jieh in ashi hi (Rom 4:24). A sisan manphatah zong khel ngaidamna diing in a luong hi (Mat. 26:28). Khrist ah khun gitlouna leh hoilouna malmal a um sih hi. Israelte'n, kithoina anei chieng un belam tal, kel tal achidam, melsietna bei leh pienphate a zang vateh bangun, Khrist zong khu tahsa hagau a demna diing mawngmawng um sih hi (Luk. 1:10; I Sam. 7:9). I Mangpa Jesu zong tam bang a bukim khu mikhielte a diing in Singlamte (Khross)-ah, ang shita hi. Migiloute jieh in gawtna leh shina a tuoh law hi. Tam khu, itna/ lungsietna jieh a nnasep ahizaw hi. Amakhu, i khelnate uh thoina diing in singlamte ah ang kipumpieh in ang shita hi.

Khrist khu bangteng huom in hing kipe nanlezhong

eite'n i pomlou ua i gintat utsih u'leh a shina leh ang tatna khu amawhna asuoh diing hi. Tuajieh in, i mawpuohna uh khu ama napom a, a lungsietna silpieh khu ginna toh i san diing uh ahi. Tualeh, ang kipiehna khu eima hinna ah umzie leh ga asuo thei giap diing hi (Johan. 1:12; Eph. 2:8).

**2.2.ii). Tatna letdan leh huopzou dan:** Roman Catholics, Lutheran leh Arminiante hilchetdan in, Khrist tatna in Leitung pumpi a huopsah uhi. Ahinlah, tami in mizousie hundam ahidiing uh china hilou in, koima khen tuompaituom neilou in a huopsah sieng uhi. Mizousie, hundamna diing in Khrist in a thuoh a, zong ang shi hi chi bou agen ut ahi. Mimal chin tung a tam tatna a bukim theina diing in, mimal chin in ei a ding a kipom a kisan a pawu maw hi. A tatna bukimna khu mimal deitelna ah a kinga hi. Khrist in Amau adia hundamna asiemsah mai hilou in, Ama uh diing in a tawptanin a kipumpiehta hi (Luk. 15:10; Rom 5:10; II Kor. 5:21; Gal. 1:4; Ephe. 1:7). Khrist in mihingte ading a, a hinna apie hi chi Bible in agen hi (Mat.1:21), a belamte a diing in (Johan. 10:11, 15),

Hattuumte a diing in (Nasepte 20:28, Eph. 5:25,27)-teelte a diing in (Johan. 1:29; I Johan 2:2),-mizousie a diing in (I Tim. 2:6; Tita 2:11; Heb. 2:9)-a shi hi. Tami in Leitung a nam chinteng lah a mi chinteng, pawlchinteng a

diing in ashi ahi chi agen chieng mama hi. Ahin, i thei ding ua poimaw ahileh Jesu khun letung a mihingte a dingin tatna nna sem zou nan leh zong a gingtate a ding in hundamna ahigiep ding hi. Azieh ahileh, Amakhu mizousie hundampa ahi a, ahin a gingtate hundampa ahi sese hi.

**3). Khrist kivuina:** Khrist shina khu a thuohna nukhia pen bang in a lang hi. Singlamte tung ah “Zaw ahita” chi in a kikou hi. Jesu hansung a aum khu ama suhmuolphouna khat ahi a, tuami zieh in eite a diing in hankhuh zauhuoina khu ang lamangsahta hi.

**4). Mishi khuo ah Khrist avahaw/pei hi.** Jesu nuazuite thugin ah “Mishi khuo ah a vapei a” hilchetndan chi tuomtuom a hilchet in a um hi. Roman Catholic-tein, ‘Jesu Khrist khu Thuhun Lui a shisa misiengthoute kikhumkhawmna ah vahaw diing in a va pei hi’ a chi uhi. Lutherante gindan in ‘Shina leh thawkiana kikal a mishite khuo ah thuhil diing leh zawna thuneina puongzah diing a vapei ahi’ a chikia leuleu hi. Mishikhuo ah vapei chi in a genlah ut pen ahileh:- Getsemani huon leh Khross ah Jesu Khrist in

gawtmun natna a thuoh hi. Shina leh suhmuolphouna tawpkhoh a thuoh hi (Late 16:8-10; Ephe. 4:9)-chite ahi hi.

### **5). Khrist thoukiana:**

Khristian sakhuo khu sakhuo dangte sang a atungnun zawhna khu amukhetu Jesu Khrist shina a kipat a, athawkiana leh van a, a katouna khu ahi hi. Leitung a sakhuo na phutkhietute Khrist Jesu chilou tunitan in koima shina akipat thoukia chi um khanailou hi. Khrist in shina khu a thawkiana toh anuoisie/zouta hi. Jesu Khrist thawkiana lamdanna tungtuong ahileh tahsa-le- hagau toh a thoukia hi ( I Kor. 15:44-45). Tuajiehin, mishite thawkiana makaitu zong ahi (Kol. 1:18; Kihilna 1:5). Khrist thawkiana toh kisai silpoimaw thumte:

5.i). Khrist in dan in aphut zousie a suibukimta chi Pasian in apuonna ahi (Phil. 2:9). 5.ii). Siemtansahna, pienthana leh gingtute thawkiana ahi (Rom. 6:4-9; I Kor. 6:14; 15:20-22). 5.iii). Eite siemtanna, pienthana leh thawkiana makaitu leh umsaktu ahi (Tom. 4:25; Eph. 1:20).

.....

# KHRISTIANTE LEH KANI (POPPY)

*(Ahoilou theina pia innten siemphat nadia akipi bawl pen Pasian leh Kumpi kham sil ahi).*

Pastor M. Thangboi Zou  
Local Pastor, ELCB

## Thumapui:

Amasan tam **Khristian Tangkou** ngaina tah simtu zousie ka sepna mun Bengaluru khopi akipat in jana salam hing bawl ing ei. Tu khanga Hausat utna zieh a Souther Manipur a teng Khristian kichite leh ginglouten abuoipi pen khu “Kani” (poppy) ahi hi. Tunin, Kani hing kipat khietdan leh ahoilou dan tomkim in i sutkhawm ding hi. Kani toh kisai Laibu tuomtuom leh Internet zang a kaikhawm ahia, achingla leh genval aup leh ngaidam kang ngen hi.

**1). KANI KICHI BANG ADIEI?** Kani (poppy) kichi thumal \*Mangham\* in “Popaeg” kichi thumal khu **Latin** ham a “Papaver” kichi apat kilasawn ahi hi. Kani ahileh Loupa etlawmtah leh a paa khu pa deihuoitah mama khat ahi a, amelpuohdan ahileh “Ankam zatkhat toh akisun” hi, tami loupa akipat hing piengkhe **“Opium”** (No 4) leh khamthei zat himhimte genna in zong nidanglai in ana kizang nanleh tu chiengin vang hisuo nonlou hi. Ei lah a mi atamzaw in “Kani” chin akitheisuh mai hi. Kani kichi chi tuomtuom 120 aum hi.

Tam Kani (Poppy) a nai akhun **“12% Analgeesic Alkaloid Morphines”** kichi khamthei (drugs) zatkhat a pang/ um a, tua “Alkaloid Morphines 12%” um pen khu atuom deu a kilakhietna

din “a kihuon a” tua akihuon chiengin “chemical reaction brown suger” hing suo/ piengkhe in, tua brown suger akipan in “Heroin” (No. 4) kichi ahing piengkhe hi. Akibawldan tangpi ahileh, a Tang (seed) pen khu Blade a ki-at in, anai ahing potdoh a, tua anai khu ni 1 ni 2 jou chiengin hing hul in tuami kilakhawm ahi hi.

Tami Kani paa (flower) ahileh a Rong (colour) chi tuomtuom aum a, tuate ahileh a dum (blue colour), a san (red colour), sehum rong leh a Kang (white colour), chivel in aum hi. Kani paa santé bang alim bawltawm in Britian gam a “Rememberrance Day” kichi “November Ha” a azat zing uh, **Galpi 1-2** a shite thei zingna din azang uhi, akichi hi.

**2). KANNI KHANGTHU TOMKIM:** Leitung khangthu a

Kani china thu a na kigenkha bei mama hi. 3400 BC hunlai akipat Mesopotamia (South East Asia) kichi Abraham hunlai a achetna gamte ah chiin in ana um tahi. **Sumerian** ten “Hul Gul” ana chi uh, tua khu “Kipahna loupa” china ahi. Tualeh gendan dang khat ah “kipahna singphung” (joy plant) zong akichi hi. Tualeh “Silk Road” kichi tua hunlai a Sum suina anazat uh, atomkim a gendin, “Europe gam leh China te Sum suina lampi” chia kitheipen khu ahi hi. Sumeriante apat in Assyrian ten hing lasawn un, amaute akipat Babylonian ten, a khonung in Egyptian te lah ah Babylonian ten BC 1300 in apawlut uhi.

Egyptian te Leengpa Thutmos IV, Akhenaton leh ‘King Tutankhamen’ chite hunlai akipat Kani khu Sumsuinan ana zang jouta uhi. Amaute’n Phoeniciante leh Minoamte lah ah zuoh un amaute’n zong Meditteranean Tuipi pelin Greece, Carthage leh Europe gamte ah ahing polut kia uhi. Cyprus tuikul ah BC 460 a Troy a apuasiet tan in Kani khu chiin, zuoh leh teep in aum hi. Khamthei pien a zat hinanleh BC 330 ahing hi chiengin “Damdawite Pa” chi hiel a um Hippocrates in khamthei bawlna lam a kansan in damdawi hoitah hing suo ua, sunglam natnate leh numei natna damsah ding ban ah hipi lengte apan damna dingin ahing manpha mama hi.

Alexander the Great in Persia leh India ah AD 400 velin ahing polut a, tuni tan dongin India gam ah aum den a, Manipur gam sung ei kung ngel ah zong ahing um tahi. India gam a tami Kani kichinna gamte ahileh “Bengal leh Bihar” chite British East India Company in ahing latou un ahing thuneikhum ua, Kalkata apan pokhia in China ah lutpi in summet tampipi munan anei loh uhi. A khangthu ginseng guol ding ahisih a, tumlam gamte ah bang napia chiin, zuoh leh teep ban ah a zat theina lam chinteng ah napia zat in aum tahi.

### 3 ) . M A N I P U R A

**AKICHIINNATE:** Manipur gam tam Kani (Poppy) ahing tun in zuohthei sil ding in ana kiching pai sih hi. Kum sawm vel peipan akipat hing kiching pan tahi. Ukhrul distict sung mun khenkhat ah chiin masa in ana um a, tuanung in Sadar Hills Kangpokpi lam a Saikul kimvel ah hing kiching tou hi. Tuana kipat Saikul gamte ah tam Kani khu akichinna munpi ahing suoh tahi. Khonung in Chandel leh Churachandpur district te ah zong chiin in ahing um ta a, Tamenglong leh Senapati district te hingpe tou in, tu chiengin Bishnupur district ngei zong gam etla huoi ahing suo tahi. Manipur singtang gamte pen tami Kani china dingin mi tampite’n a enla mama uhi.

### 4). MITEN KANI ACHINNA

**ZIEH UH:** Kani kichipen Lou

bawl a bawlthei khat ahi a, (Haichi dangte chin a chin thei) akibawl sung hun tomnou khat sung hinanleh Sum muna hoitah asuo hi. Aziehpén, Kani man (price) atam seng ziehin. Tulai in mite Singtanglou bawl (juming cultivation) nalam ah koima lunglut nawnlou un, ametzaw zieh leh sumtang suoh pei thei ami man in lou nasem mite tami Kani ah alunglut zawta uhi.

Kani leihoute gendan in, tami “Kani” (Poppy) ichipen i gam leitang u’toh akitua mama a, nepiengsah jou mama chi uhi. Ahin, akigendan in, Kani khu mun chinteng a chiin (bawl) thei ahi a, aching/abawltute kisiemtanna maimai abatna khat zong aum hi. Innten khosat hamsatna ziehin tami Kani chiin/ bawl ah mite lunglut mama uhi. Pasion in khosa kai a neh sui ding ahing chi hi chia paulap a neiin abawltute kisiemtan mama uhi. Tuaguoh hilou in, tam nnasepna a gasuote apan (sum kimute) innkuon va jou, naupangte siemzilna leh apoimawte uh suhtua jou hi. Singtanglou bawl (juming cultivation) toh gente in ametzaw hi. Hattuom khenkhat ah bang Sawm-a-khat (tithe) lam ah phatuomsa uh chi thu bang zong gen leh sah in aum hi. Akigendan in, tam Kani kichinna Acre khat sungah dangka Nuoi sagi (7 Lakh)- bang pieng jou hi. Kani chingmite’n atangpi in a chiin hunsung un (kum khat in chivai) dangka Nuoi 15 akipat 25 (15 to 25 Lakh) kikal amujou

ua, tami aloubawl sung ua asum sengteng uh sim kha hilou hi. I gam zawng mama a dingin vang langkhat a chiin dingin etlahuoi mama asuoh hi.

Kani nai lah hunsung hun tomnou ahi dungjui in, ala vanglah chiengun khawllou phiel in nna sem mai uhi (Pasianni zong manghil khawp a innpei dawnlou zong mi atam hi). Tamna Kani te khu Thoubal district leh Manipur mun tuomtuom a khamthei kibawl na munte ah zuokhiet ahijel hi.

**5). KANI ICHI KHU....** “Aw **KANI**, namel ahoi in nanleh na min angai vawt sih hi. Nungah melhoi lungsimsete toh kibang nahi. Nang hing it/ hing ngai zousie “Kana leh hiluonna” na pe teitei hi. Kani lei ka hoh zieh in ka imnteng akiledoh hi, innmun ka lejou hi. Ka tate lai kasimsah jou ahi, na chipen adih na diei”? Dih maithei ahi. Nanleh ngaitua pha in, “Kani in mi 100 lah a Mi 20 a tungding a, Mi 80- te hinkhuo asuhsiet pieh hi. Kani tungtawn in In hoipipi na lamkhe ding a, nanleh a sung atengte ahing deldoh ding hi (na innsung asuhse ding hi). Kani’n nang ang tung ding dinga, nanleh na Nampi Eh asuo ding hi. Nang kitung ding nanlechin zong na Nampi akipuo leh nang zong ‘Sing dingo bangin na puo veve’ ding hi.”

Leitung in “**Global warming**” zieh in, “Leitung ah Singte louna go sieng, tui kang sieng, kholum uang deudeu” ziehin



**“Go Green”** chithupi atangkoupi lai a, eiteng i Zougam (Muol leh tangte) Kani leihaw nadia ivat kieu uleh, leitung dan in zong hing phallou ding hi. Khristian khat kahi, na kichi a, na sum suina “Kani in, Pasian in ama lim-le-mel kibatpi a asiem mihingte hinkhuo asuhsiet a, innsung tampi puldouna hinkhuo atat a, nupa tampi akikhensah a, khangdong tampi hinkhuo asuh siet leh, aw Khristian dihtah Kani leihoupa/ hounu aw Pasian masang ah na ding ngam na diei mah? chi kingai tua in!!! Tuni’n nui in kipah nanlechin zong dachia na sum suina Kani in nang ma innsung ah thuneina ahingla chiengin nui vawtlou ding nahi chi kimanghil sin.” Tabang dinmun na tun masang in Kani a Sum sui tawpsan mai in, akikhel chia “Van en lechin asang dinga, Lei en lechin ngiem mama ding hi” chi thei zing in aw????

**6). INDIA GAM A KANI KICHINNATE:** Manipur State sangin India gam sunga state khenkhat ah tami Kani khu napia chin in aum hi. Tua State te Uttarakhand, Uttar Pradesh, Rajasthan leh Madhya Pradesh ah solkalte phalna lai neizen in chin in aum hi. Tammunte ah vang, eilamdan hilou in, mun leh gam teltuom in aum hi. A kichiinsahna zieh ahileh, tami Kani (Poppy) akipat damdawi (medicine) hoitah hing kibawlkhie ahi manin tami ding liulieu in phalna kipia ahizaw hi. Eilam ah vang, damdawi ding hilou in Sum suina, khangtha tami

hinkhuo sietna ding a, mite shi, sieng/bei u’leh zong kholou ken Sum kamu napou leh chia kichiin/ kibawl hileh akilawm hi.

Kani tang (seed) te damdawi chikhat bang in neh thei ahia, gilna, leh zunbu kikal aginatlouna umte theisuohna ding in zong pang thei kichi hi. Awmna, ekhaw, khuh, santen leh imutheilou te dia ahoi ziehin mi khenkhatte’n Kani tang (seed) aneh uhi. Hinanleh, tami toh kisai lou-le-ai siemten thudih leh dihloou thu bangma genna anei sih uhi. Kani tang neh apoina/ khohna umlou kichi nanleh tampi neh ahilou leh singpi dinga awm chite pen jauhuoi mama hi, chin akigen hi. Aziehpén, a hoh (cover) lah a Morphine kichi khamthei chikhat aum hi. Buchim leh nethei lah vel a Kani tang kihah thei a, savon (soap), rong nu leh varnish ding bangin zong kizang akichi hi. Akhente ngelin bawn, tam Kani tangte’n Cancer natna chikhat suhdam theina nei chi pawl zong aum hi (Doctorte gen hilou in, atangpi Kani lei bawlten a uanggetna uh zong hithei ahi, pilvan ngai mama ding hi).

State kumpite phalna neia chingten zalentah leh lungmuongtah in aching ua, nanleh eilam Manipur ah vang kumpi’n phalna pelou in akham ua, taumi ziehin Kani lei bawlte lungmuongtah in bawltheilou uhi. Mi khenkhatte gendan in (adih leh dihloou theilou) UG khenkhatten

amau uh Sum muna nah/ bul din ngaituo un, Kani chin ding tasawn uhi. Gendan dang khat kia ahileh, Kani kisusietlouna dingin, a leihoutute khu Thau (Gun) toh vengbit uh, akichi nalai hi (juoh moh thutah ken theilou, kiloh a kuon ten thief u'chin...).

### 7). MANIPUR AH KANI CHIN

**DING KIKHAM:** Manipur ah tutadih in, zapi neh suina dingin Kani chiin ding phalna umlou hi. Sorkal in akham dungjui in Kani lei (field) mun tampi Police, VDF kithuo in suhsiet in aum hi. Sorkal guoh hilou in UG tuomtuomte, CSO tuomtuomte leh Chief Assosation ten zong khamna anei uhi. Uang genlei (genkhiel leh ngaidam) a khamte zong Kani leihou a pang veve, aleihoute kungah Tax la veve, tabangte zieh adiei Kani kisuhbei joulou in, akikham tam laisie pung deudeu in akimu zaw hi.

### 8). KANI HOILOUNATE:

Kani lei na bawl a Sum tampi na mu zieh a ahoi hi, asietna umlou ahi na chileh tamnate ana enpha vawi hoi na chi ngam tahtah na diei moh???? Tuate ahileh:

- i). Na tate Kani addict in hing um u'leh ahoi hi chin na kipahpi na diei moh. ii). Na tate Skul kailou in Kani lei bawl ding hing thanuom u'leh na pom siem na diei mah. iii). Kani in mi hinkhuo tampi asusiet

bangin na innsung mite hinkhuo hing suhse leh na alungkim mama diei. iv). Khristian dihtah kahi na kichi a mitampite sietna, shina leh Sorkal phallou silkham chite a sum sui adihna hi, na chi ngam leh na dinmun kivel chien in, Bible polam a Khristian hikha ding nahi. Pasian in dihrou tah a hausat ding aphaNa Bible a kimulou hi. v). Kani ahoi hi na chi uleh bang dinga na juo chieng ua jauthawng tah a na juo uh e? tamin ahoilouna genbe ngailou in asuhlang mai hi (a proof himai ahi). vi) Kani (any drugs) a hausa innsung ana en chiet un, sot dailou uhi, tua innsung a tengte khamthei addict a shi, zattheilou (laisiem zong leh) um hi, tuami bang zieh adiei? i chileh na tate uh aneh ding na phallou vangun, na zuokhiet sahte uh ana lei ua amaute zong ana neh/ kikap kha veve uhi.

### 9). BIBLE IN KANI ADEILOUDAN:

Bible a Pahpe (flower) akigen chiengin Kani kigennan zong akizang hi ("flower of the field" means Poppy, <https://hermeneutics.stackexchange.com>)- chi thei masa vai. Sum dei zieh man in, dangnal thu in Kani ahoi chin gensiem sih

vai, Khristiante thugin (doctrine)-  
ikingahna Bulpi (foundation) Bible  
in bang chin agen ei, anuoi ah  
enkhwam vai ei:

**a) Thuhun Tha (NT):**

- i). Tuachi'n bang ding a sil leh  
ten thu a lunggim na hi uoi?  
Gamlah a lili pahte khan  
dan hoitahin ngaituo un, nna  
asemgim sih ua, mui zong  
azom ngai sih uhi (Mat. 6:  
28). ii). Tuachi'n gam lah  
ahampa tunia hing pou a,  
azingni chienga lungthukhu  
a haltum mai ding .... (Luk  
14: 28,). iii). Hinanleh  
mi hausa khu suhngiem a  
aum ziehin lungkim heh,  
aziehpén loupá banga mang  
ding ahi (Jak. 1: 10). iv).  
“Mihing zousie loupá bang  
ahia, athupina zousie u'zong  
gamlah a loupá pah bang ahi,  
loupate avuoi a, apahte zong  
apul hi.” (1 Pet. 1: 24).

**b) Thuhun Lui (OT):**

- i). Hampa avuoi a, pape zong  
apul hi (Isai 40: 8,a). ii).  
Thuhun bawl a zuou a  
kichiém in thute agen uhi.  
Tuabangin lou kaizousa lai a  
namtul hing poudoh bangin,  
thukhenna apoudoh ding hi  
(Hosea 10: 4). iii). ...  
gamlah a pahpe pah bangin  
ahing pah lun hi (Late 103:  
15,b). iv). Pahpe vul kuon  
zu in athuzawgawp phaijang  
hausatah lutanga um, zu in

aloingiem, tung agih hi (Sai  
28: 1,b). v). Lilipah pal bang  
ahi a, tualeh tuikuongpi in  
bath tul thum adawl hi (2  
Khang. 4: 5, b).

**10). Akhupsitna:** Unaute aw,  
dangnal thu leh gensiem thu vangin  
Kani ahoi hi chi gen tam non sin!  
ahoi leh na innsung mite aneh/  
kikap ding phal in, soihoi koima  
kikham ngailou hi. Khristian  
dihtah kahi na kichi leh Kani zieh  
a mi tampi hinkhuo siet kipatna,  
akhente minsetah a shina tuntu  
ahilai a Sum deigaw na zieh bou a  
ahoi ahi chipen dih tahtahlou ding  
ahi, ngaitua pha kia in. Na khuo ua  
(Veng sung) Kani addict na mute  
khu Koi zieh adiei? Nang sum du  
zieh hilou amah? Nang alei vabawl  
sih lechin Sum loh a hing kuonlou  
ding uh, ahing kuonta chieng ua,  
nang lou (field) akipat anedan hing  
kizil uh ahilam thei in. Midangte  
bangin na innsung mite zong hing  
addict ding un, sum na piazaw  
lou chiengun kholai a guta a hing  
kiman ding uh, tua dinmun na tun  
masang un, tunin Kani leihawh,  
sum sui nan nei non sih vai, akikhel  
chiengin “Van na et leh hing sang  
van, Lei na et leh ngiem ding  
hi”. Ahim him a Khristian kahi,  
Vangam kai ding kahi na kichi in,  
nang Sum muna (Kani) a mitampí  
hinkhuo asiet a, muolphou tah a  
ashi uleh, Pasion masang ah na  
ding ngam na diei mah? Kingaituo  
in. Tulai Khristian kahi kichiten  
“Pasion leh Kumpi sil kham a neh

suina ineipen uh tawpsan hun ahi, kia jel, ihichi zieh ua igam hichi  
 khangsawn te maban ding gel hun hiding hi, kigelpha chiet va ui.....  
 ta ahi”. Election chiaah Vote juoh

# SAWMAKHAT SUN DAN

[1st November 2021 to 31st March 2022]

<i>Receipts</i>	<i>Sum sun zat</i>	<i>Agawmkhawm</i>
<b>01 Central District</b>		<b>30,30,777</b>
Aina	1,19,184	
Central Church	15,18,446	
Manniang Khuo	44,596	
Nungshai	13,000	
Tuilaphai	56,670	
Zomi Colony	12,78,881	
<b>02 Lentang District</b>		<b>17,44,533</b>
LDCC Hiangzou	26,200	
New Zoveng	2,90,643	
T Daijang	31,571	
Tuibuong	13,92,519	
Zoumunnuom	3,600	
<b>03 Lamka District</b>		<b>45,80,445</b>
D Phailian	67,140	
Hiangdung	13,846	
Immanuel Khopi	2,01,000	
Kanan Veng	4,95,844	
Lailam Veng	21,94,327	
M Muoltam	94,120	
P Khupgou Veng	9,183	
Thingkangphai	9,27,840	
Tongdam	4,52,775	
Zomi Bethel	1,07,970	
Zoumun	16,400	

<b>04 Imphal District</b>		<b>4,19,160</b>
Imphal	4,17,660	
Moreh MGP	1,500	
<b>05 Tuining District</b>		<b>4,65,680</b>
Kuvan	63,000	
PN Khovong	51,390	
Sangaikot	20,010	
Tuining	3,26,485	
Zomi Zion	4,795	
<b>06 Suolam District</b>		<b>3,27,060</b>
P Salem	15,000	
Sugnu	3,12,060	
<b>07 Gunpang District</b>		<b>2,18,878</b>
L Gangpimuol	34,679	
M Khawluol	17,000	
N Khaukuol	69,260	
Saiboh	97,939	
<b>08 Singngat District</b>		<b>11,36,878</b>
Hiangtam K	46,091	
Maukot	21,430	
Mawngken	22,276	
Muoljin	27,270	
Singngat	4,43,459	
Suongkuong	64,750	
S Vengnuom	60,080	
Tangpijol	2,18,492	
Zoukhonuom	2,33,030	
<b>09 Zoutang District</b>		<b>3,36,816</b>
Belpuon	14,800	
Buhsau	26,879	
Hiangmuol	31,800	
M Buongmun	45,890	
Muollum	2,02,127	
T Khajang	15,320	

<b>10 Tuivai District</b>		<b>2,74,475</b>
Behiangjang	98,090	
Hiangtam B	1,00,455	
Hiangtamjang	53,730	
Lunjang	22,200	
<b>11 Outside State &amp; Others</b>		<b>16,23,669</b>
Bengaluru	3,14,309	
Chennai	26,850	
Delhi	9,41,407	
Paspati	4,750	
Shillong	3,36,353	
<b>Total</b>		<b>1,41,58,371</b>

.....

## ZPYF Column

ZPYF in Pasian mapuina jal in Lakutpi Report ibawl zou siang tah ua, Pasian min iphat uhi. Tamtan chieng a hing pui zing Mangpa'n thupina tang taken. Tualeh 64th General Conference ah ginna thuchiem ana chiem ah apiehsate kunga lungdam thu igen uhi. Khum ban ah ginna thuchiem na chiem ah pieh nailoute kunga theisahna leh ngetna jong iki bawl ngal uhi. Nouma in Pasian mai ah ngamtah a na chiem pen uh hing en tha thei chiat ta ulechin chi'n ngen sawnsawn uhi.

Tam pen I ginna sulatna dinga ichiem ahi ziehin koima ikigum bawl thei sia ua, Nang leh ken iginna uh ituh tang thei zing hi chi sultana ahi man in koipou apieh nailouten iginna en tha kia chiat dingin Pasian in Hattuum mipite hing mapui in hing umpi zing taken.

Tualeh Hattuum LCC te leh PYF te kunga Project ngetna ibawl pen uh apieh anailouten jong hing pieh thei chiat ta ulechin chin ikinget un iki theisah uhi.

Mangpan hattuumte leh ZPYF hing umpi in hing mapui zing taken

T. Naomi Goulianching  
Youth Co-ordinator, ZPYF

## ZPWF Column:

### FEBUARY - MARCH HA SUNG A TUNNU LIMBEL PANPITE:

1. PWF Zomi Colony, Anntang Kg.99	Rs.	450/-
2. PWF Tuibuang, Anntang Kg. 130	Rs.	550/-
3. PWF Kanan Veng, Anntang Kg. 97		
4. PWF Buhsau, Anntang Kg. 50		
5. PWF Hiangtam (B) , Anntang Kg. 54		
6. Zomi Colony Hausate , Anntang Kg. 50		
7. Zamsawmthang, New Khaukual, Anntang Kg. 50 , Dal Kg. 10 leh Appy Dorzen 1		
8. PWF Maukot Anntang Kg. 50 leh Louthul Kg. 4		
9. PWF Mangjing , Anntang Kg. 60		
10. Pa Hautungthang & Family , Tuibuang Anntang, Bag 2		
11. Ngilkhankam & Family, Tuibuang , Anntang Bag 1		
12. PWF Chennai	Rs.	2000/-
13. PWF Tangpijol , Anntang Kg. 60		
14. Nianghoikim, LDCC	Rs.	2000/-
15. Thangsuankhai, Hiangtamjang	Rs.	5000/-
16. PWF Bengaluru	Rs.	5000/-
17. Dimneiching, Central Church	Rs.	2000/-
18. Donneiching, Central Church	Rs.	1000/-
19. Kamkhogin, Central Church	Rs.	1000/-
20. P. Church Lailam Veng		
i. Donkhanching	Rs.	3000/-
ii. Chinsuanmang	Rs.	100/-
iii. Upa Khaiminlian	Rs.	1000/-
21. Upa Lalkhokam, Sangaikot	Rs.	1000/-
22. David Thangneilal Phiamphu, Awnchinkap khuo	Rs.	29430/-
23. Tuibuang Govt. High School	Rs.	2977/-
24. Nousuanching, Central Church	Rs.	1000/-
25. Kaplianmung, Central Church	Rs.	500/-
26. Niangpi, Zomi Colony	Rs.	3000/-
27. P. Khaizathang, Manniangkhuo	Rs.	100/-
28. T. Lunzamang, Central Church	Rs.	1000/-
29. P. Church Muallum		
i. Ngaikhannieng	Rs.	20/-
ii. Suonnieng	Rs.	260/-
iii. Niengkai	Rs.	30/-
iv. George Suonlienlal	Rs.	200/-
v. Minzou	Rs.	10/-


vi. Suonchinpau	Rs.	100/-
vii. Kimneiching	Rs.	10/-
viii. Paukhansiem	Rs.	30/-
ix. Elbee Zou	Rs.	50/-
x. Mangboi	Rs.	80/-
xi. Upa M. Zamthang	Rs.	50/-
xii. Dimhoiching	Rs.	50/-
xiii. Vungsuonching	Rs.	20/-
xiv. Ngaisen	Rs.	10/-
xv. Nehkhantong	Rs.	30/-
xvi. Np HauDiamond	Rs.	50/-
xvii. Chiinneihoi	Rs.	10/-
xviii. Thangkhanlam	Rs.	110/-
xix. Niengngaikim	Rs.	220/-
xx. Dimkhannei	Rs.	10/-
xxi. Chinglienmankim	Rs.	220/-
xxii. Kimneiching	Rs.	20/-
xxiii. Paungai	Rs.	10/-
xxiv. Vungnou	Rs.	50/-
xxv. Thangkhanhup	Rs.	40/-
xxvi. Thangkhanmuan	Rs.	60/-
xxvii. Nuamkhanngai	Rs.	40/-
xxviii. Kimboi	Rs.	80/-
xxix. Mangdeiching	Rs.	400/-
xxx. Nianghauching	Rs.	20/-
xxxi. P. Manchin	Rs.	100/-
xxxii. Sye Goukhenmung	Rs.	40/-
xxxiii. Upa Nengzachin	Rs.	40/-
30. PWF New Zoveng, Anntang Kg. 113	Rs.	330/-
31. PWF Bohlui, Anntang Kg. 35		
32. PWF M. Mualtam, Anntang Kg. 45		
33. ZPC Delhi		
i. Ningneichiin	Rs.	3000/-
ii. Chinglianchiin	Rs.	1000/-
iii. Haumuanching	Rs.	1500/-
iv. T. Sianlunlal	Rs.	2000/-
v. Niangneivah	Rs.	3000/-
vi. Tinneichong	Rs.	2000/-
vii. Lalrinmawi	Rs.	1000/-
viii. Jenefer Munluo	Rs.	300/-
ix. Chingbiehhoi	Rs.	300/-



34. Rev. H. Nengzaton, Immanuel Khopi	Rs.	1000/-
35. Chingneikim , Central Church	Rs.	500/-
36. Kamkhogin, Central Church	Rs.	500/-
37. Julie Lamneu, Awnchinkap Khuo	Rs.	1000/-
38. P. Church Tuining		
i. H. T Manga	Rs.	300/-
ii. Upa Ginsuankhai	Rs.	800/-
iii. Engzaching	Rs.	50/-
iv. Pi Chingboi	Rs.	250/-
v. Pauliankhup	Rs.	530/-
vi. Rev. Mangmuanthang	Rs.	1100/-
vii. Hauching	Rs.	100/-
viii. Chinkhansuan	Rs.	200/-
ix. Lianchinthang	Rs.	70/-
39. Velzalun, T. Daijang	Rs.	500/-
40. Lucy Niangdeilam, Sugnu	Rs.	30000/-
41. Lydia, Central Church	Rs.	1000/-
42. P. Church Lunjang	Rs.	1770/-
43. Nianghaulun, L. Gangpimual	Rs.	1000/-
44. Esther Niangsianhoi, Tuibuang	Rs.	4261/-
45. PWF Shillong	Rs.	3700/-
46. PWF Suongkuong, Anntang tang	Rs.	1000/-
47. Niangsuanching, Lailam Veng	Rs.	500/-
48. Nianiang , Moreh W/No. II (MGP )	Rs.	5000/-
49. Upa P. K Soia, Tuining	Rs.	200/-
50. Esther Mansuankim, Imphal	Rs.	47000/-
51. P. Church, Muallum	Rs.	860/-
52. PWF V. Bethel Anntang Kg. 52		
53. PWF Zomi Bethel, Anntang Kg. 40		
54. PWF Muallum, Anntang Kg. 50		

PETU JOUSIE MANGPAN HING GUOLZAWL TA HEN.

NOTE : A dihlou kha te Office a suhdin thei zing ahi.



# Khristian Tangkou

Vol. No. 58 || Issue No. 3&4 || March - April, 2022

# A sung thu

## Editorial Board

Editor : Rev. Khamchinkhai - 8730933744  
 Joint Editor : Rev. Dr. Hangpi Maunlun - 9862910875  
 Cir. Manager : Upa Jamsianmung - 9862086615  
 Bus. Manager : Upa Kamgenpau - 8974612937  
 Ms. Niangkhanmang  
 Nh. Tracy Niangsuannuam

Cont. Editors : Rev. Awnkhankhup  
 Rev. Zamlanpau  
 Rev. Lamsuanthang  
 Upa Khupsuankham  
 Upa Khaiminlian  
 Upa Thangzasuan

## ZOU SYNOD ULIENTE

- **Moderator:**  
Rev. G. Mangmuanthang
- **Moderator Elect:**  
Rev. Thangboi Khuongsai
- **Secretary (Sr):**  
Upa Chinsuanthang
- **Secretary (Jr):**  
Upa Siendeithang
- **Treasurer:**  
Upa M. Sianzahau
- **Statistician:**  
Upa T. Hauzalam
- **Executive Secretaries:**  
Rev. Khamchinkhai  
Rev. Dr. Hangpi Manlun

- Editorial..... 01
- Thu tuomtuom & Thumpi ding ..... 05
- Kinepna a bei chieng..... 06
- La leh ginglawm ..... 08
- Jesu' tatna ..... 10
- Khristian te leh Kani ..... 13
- Sawmakhat sun dan ..... 19
- ZPYF Column ..... 21
- ZPWF Column ..... 22

Copies - 1200

### AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.

## PATRON MEMBER-TE

- |                           |                              |                            |                                |
|---------------------------|------------------------------|----------------------------|--------------------------------|
| 1. Upa Gouzamang          | 2. Pu Hav. Khamchinkhup      | 3. Pu Khamzalam            | 4. Pu Chinzasuan               |
| 5. (L) Upa Liansuanpau    | 6. Pu Khamchinthang          | 7. Pu S.Dalthang           | 8. Upa Kapkhanthang            |
| 9. Upa Langginmang        | 10. Upa S. Nangkhanlal       | 11. Pu S. Lamkthothang     | 12. Upa Dr. M. Lachinkhai      |
| 13. Upa Khamchinjam       | 14. (L) Upa D.K.Manlun       | 15. Upa Suankhanmang       | 16. (L) Upa Khupgou            |
| 17. Upa Chinkham          | 18. Upa Ngulchinkham         | 19. (L) Rev. V. Vungzalian | 20. Rev. Retd. Kamkhosoi       |
| 21. Rev. Retd. Tualzachin | 22. Rev. (Rtd.) H. Nengzaton | 23. Rev. Awnkhanthup       | 24. Rev. Dr. Hangpi Manlun Zou |
| 25. (L) Pu Tuanzapau      | 26. (L) Rev. Ginchinjam      | 27. (L) Rev. Khamzasuan    | 28. Upa T. Lamkthothawng       |
| 29. Upa Khaichinmang      | 30. Rev. Stephen Chinzathang | 31. Pu Khupkhanmang        | 32. Pu Khaidohlian             |
| 33. (L) Hav. Khamzahang   | 34. Pi Vungzanuam            | 35. Pu T. Gouzadou         | 36. Upa Liensuonkap            |
| 37. Pi Zelkhochiin        | 38. Pi Hatkhanvung           | 39. (L) Pi Ngaihoiching    | 40. Pi Mankhannieng            |
| 41. Pu Goukhanmang        | 42. Pi Chingzalam            | 43. Pu S. Thianzakhai      | 44. Pi Kamkhanching            |
| 45. Pu Haukhanpau         | 46. Pu Tuallianmang          | 47. (L) Pu Dongkap         | 48. (L) Pi Chingkhanmang       |
| 49. Pi Donkhonian         | 50. Upa Henzakhup            | 51. (L) Pu Saichinpau      | 52. Pu Goumang                 |
| 53. (L) Upa Khamkhanhang  | 54. Shie Laangkhanlal        | 55. Pu Khamkhanlun         | 56. Upa L. Tualkhanpau         |
| 57. Upa Jamsianmung       | 58. Upa Ginzadong            | 59. Pu Kaizathang          | 60. Pi Goizanuom               |
| 61. Pi Thangneivah        | 62. Pu Khamzathang           | 63. Pi Donchin             | 64. Upa Liankhanmang           |
| 65. Pu Hauchinlun         | 66. Pu T. S. Lal             | 67. Pi Goichiin            | 68. Pu T. Khupchinthang        |
| 69. Upa T. Kaizalam       | 70. Pu Paul Henkholal        | 71. (L) Pu Soikham         | 72. Rev. P.C. Manga            |
| 73. Rev. Khamchinkhai     | 74. Rev. Jamlianpau          | 75. Rev. Chinzapau         | 76. Rev. Retd. Kamkhozam       |
| 77. Upa (L) Chinpu        | 78. Pu Zamkhanthang          | 79. Pu Chinglen            | 80. Miss Chinhaunieng          |
| 81. Upa P. K. Soia        | 82. Pu Goukhai               | 83. Pi Niangkhanmang       | 84. Evan. Retd. G.L. Joshya    |
| 85. Pi S. Chingkhanmang   | 86. (L) Pu Vumchinkhup       | 87. Upa Khaihenthang       | 88. Upa T. C. Pau              |
| 89. Upa Nengchinkap       | 90. (L) Upa Jamkhongam       | 91. Upa HT Manga           | 92. Mrs. Vahkolhing            |
| 93. Pu Hauliankap         | 94. Pi Chinnu                | 95. (L) Upa Ngulzakhai     | 96. (L) Upa T. Gougin          |
| 97. Pu Ginsuanhau         | 98. Upa (L) Langminthang     | 99. (L) Rev. David K.Samte | 100. Upa T.S.K. Samte          |
| 101. Upa S.K. Khama       | 102. Pu Jamkhopao            | 103. Pu Thathang Taithul   | 104. Pu Kamkhankap             |
| 105. Bhim Prasad Ghatani  | 106. Rev. M. Kapsuanthang    | 107. Nu Chingneikim        | 108. Rev. Khupkhansuan         |
| 109. Pi Mannuamching      | 110. Rev. Kaimuanlal         | 111. Upa Nengkhanlian      | 112. Nh. Deborah Zou           |
| 113. Pu T. Kuppa          | 114. Rev. (L) Mangsuanthang  | 115. (L) Pu Lamchinhau     | 116. Upa Pauchinlel            |
| 117. Nu Kimneihoi         | 118. Upa Kamgenpau           | 119. Nh. Niangsuannuam     | 120. Nu Ngaikhanvung           |
| 121. Pu P. Sanjiv Zou     | 122. Upa M. Kaichinkham      | 123. Upa T. Sianchinpau    | 124. Upa Sianzahau             |
| 125. Pu L. Thenkhosoi     | 126. Pu Kamsuanhang          | 127. Upa Th. Kaikholam     | 128. Upa Lunchinthang          |
| 129. Pu P. Tongthang Zou  | 130. H. Nehzamang            | 131. Pu Thangsuankhup      | 132. Upa M. Kamzadou           |
| 133. Pu Jamkholian Munlao | 134. Pu Sianzakhai           | 135. Upa Thanggingsuan     | 136. Pu Kapminlun              |
| 137. Pi Tingzavah         | 138. Dr. M. Limlunthang Zou  | 139. Rev. Hauzalian Manlun | 140. P/P Suangliankap          |
| 141. Rev. Ginlianmang     |                              |                            |                                |

## LIFE MEMBER-TE

- |                            |                          |                       |
|----------------------------|--------------------------|-----------------------|
| 01. Upa (L) T. Khupkhenpau | 02. (L) Pu M. Ginzahau   | 03. (L) Pu Selzapau   |
| 04. Pu L.C. Pautungnung    | 05. (L) Pi Khamkhannieng | 06. Pi Ngaiunuom      |
| 07. Upa Chinsuanthang      | 08. Upa Shanti Kumar     | 09. Pu Kamkhohau      |
| 10. (L) Pu Khamkhohau      | 11. Upa Khamzathang      | 12. Upa Chinkhanthang |
| 13. Pu (L) Tongzathang     | 14. Pi Chiinneilam       | 15. Upa Kulthang      |
| 16. H/Sm. Upa Kaichinpau   | 17. Pi Niangzalam        | 18. Upa P. Doukholun  |
| 19. Pu Kapminlian          |                          |                       |

*Undelivered*

Please return to:

*The Editor*

KHRISTIAN TANGKOU

ZPCS Office, Zomi Colony

Churachandpur - 795 128

P. O. Box - 48, Manipur, India

Synod Office Telephone No. (03874) 235105

Website: [zousynod.org](http://zousynod.org) | email: [info@zousynod.org](mailto:info@zousynod.org)

[zpcs@rediffmail.com](mailto:zpcs@rediffmail.com)/[zousynod05@gmail.com](mailto:zousynod05@gmail.com)

7a,

---

---

---